



جدوال قمبراچاين خطبه جمعة

Siri 1/ 2023 (Bulan Januari Tahun 2023)

ب	تاجوق	تاريخ
1.	خطبة تاهون بارو: مسلم حقيقي، فكرجا برکواليتي	6.1.2023M/ 13 Jamadilakhir 1444H
2.	وقف: قلواغ فهاالا يغ دلوفا	13.1. 2023M/ 20 Jamadilakhir 1444H
3.	جاغن خيانتتي چينتا	20.1. 2023M/ 27 Jamadilakhir 1444H
4.	هيلغن سني ليدہ	27.1.2023M/ 5 Rejab 1444H
	خطبه کدوا	

دبياءاي:



زكاة فولاو فينغ

دتربيتكن:



جابتن حال احوال اكام اسلام فولاو فينغ

Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Jangan Khianati Cinta

(20 Januari 2023M / 27 Jamadilakhir 1444H)

الْحَمْدُ لِلَّهِ الَّذِي قَوَّمَ بِالْإِسْلَامِ كُلَّ اغْوَجَاجٍ،
وَأَوْجَبَ عَلَى الزَّوْجَيْنِ حُقُوقَ اِرْدَوَاجٍ.
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، أَنْزَلَ عَلَيْنَا خَيْرَ مِنْهَاجٍ،
وَأَشْهَدُ أَنَّ سَيِّدَنَا مُحَمَّدًا عَبْدَ اللَّهِ وَرَسُولُهُ، جَعَلَ الْحُقُوقَ خَيْرَ عِلَاجٍ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ كَانَ لِلْعَالَمِينَ سِرَاجٌ وَعَلَى آلِهِ وَصَحْبِهِ الَّذِينَ
كَانُوا خَيْرَ أَزْوَاجٍ. أَمَّا بَعْدُ، فَيَا أَيُّهَا الْمُسْلِمُونَ اتَّقُوا اللَّهَ الْقَائِلَ:
وَمِنْ كُلِّ شَيْءٍ خَلَقْنَا زَوْجَيْنِ لَعَلَّكُمْ تَذَكَّرُونَ ﴿٦١﴾ الدَّارِيَاتِ

سيدغ الجمعة يغ دكاسيهي الله،

SIDANG JUMAAT YANG DIKASIHI ALLAH,

Di kesempatan yang penuh kemuliaan ini, khatib berpesan kepada diri sendiri serta para jemaah sekalian, marilah kita tingkatkan ketakwaan kepada Allah سُبْحَانَهُ وَتَعَالَى dengan melakukan segala suruhan-Nya dan menjauhi segala tegahan-Nya. Mudah-mudahan, kita tergolong dalam kelompok orang-orang yang beriman dan mendapat keberuntungan serta kebaikan di dunia dan di akhirat.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja, bermain telefon bimbit dan menggerakkan tabung kutipan. Bersempena dengan hari yang penuh keberkatan ini, mimbar akan membicarakan khutbah bertajuk “Jangan Khianati Cinta.”

SIDANG TETAMU JUMAAT YANG DIBERKATI ALLAH,



Suami adalah seorang pemimpin dan ketua bagi sesebuah keluarga. Tanggungjawab seorang suami bukan hanya semata-mata menjaga dan memelihara maruah isteri dan keluarganya, namun dalam skop yang lebih besar adalah memberikan nafkah yang sepatutnya diterima oleh si isteri dan juga anak-anaknya. Perkara ini dijelaskan oleh Allah ﷻ dalam Al-Quran melalui surah An-Nisa' ayat 34;

الرِّجَالُ قَوَّмُونَ عَلَى النِّسَاءِ بِمَا فَضَّلَ اللَّهُ بَعْضَهُمْ عَلَى بَعْضٍ وَبِمَا أَنْفَقُوا مِنْ أَمْوَالِهِمْ ﴿٣٤﴾

Maksudnya: *“Kaum lelaki itu adalah pemimpin dan pengawal yang bertanggungjawab terhadap kaum perempuan, oleh kerana Allah telah melebihkan orang-orang lelaki (dengan beberapa keistimewaan) atas orang-orang perempuan, dan juga kerana orang-orang lelaki telah membelanjakan (memberi nafkah) sebahagian dari harta mereka.”*

Kini terdapat banyak kes yang dilaporkan mengenai suami yang mengabaikan tanggungjawab untuk memberi nafkah kepada isteri. Lebih-lebih lagi apabila isteri yang bekerja, diabaikan nafkah dan keperluan mereka dengan alasan isterinya sudah mempunyai pendapatan yang stabil dan tetap. Malah, lebih teruk lagi ada yang boleh digelar “biawak hidup” kerana langsung mengabaikan tugas seorang suami dalam memberikan nafkah sehingga isteri pula terpaksa keluar bekerja bagi menyara keluarga akibat suami yang malas bekerja.

Nafkah bermaksud pembiayaan perbelanjaan yang dikeluarkan seorang suami terhadap ahli keluarga dan tanggungannya. Ia merangkumi keperluan asas hidup seperti makanan, pakaian, tempat tinggal, perubatan, pendidikan dan selainnya. Kesemua perkara ini dinamakan nafkah kerana ia dikeluarkan atau digunakan untuk perkara tersebut.

Seorang suami wajib memberikan nafkah kepada isterinya apabila memenuhi dua syarat iaitu:

Pertama: Isteri merelakan dirinya untuk dimesrai oleh suaminya dalam keadaan yang dibenarkan syarak.

Kedua: Isteri tinggal di rumah yang ditentukan oleh suaminya selama mana tidak mendatangkan mudarat kepada isteri tersebut.

SIDANG JEMAAH YANG DIRAHMATI ALLAH,

Islam menetapkan keperluan-keperluan tersebut berdasarkan kemampuan suami. Firman Allah **سُبْحَانَهُ وَتَعَالَى** pada ayat 7 daripada surah At-Talaq:

لِيُنْفِقْ ذُو سَعَةٍ مِّن سَعَتِهِ ۖ وَمَن قُدِرَ عَلَيْهِ رِزْقُهُ فَلْيُنْفِقْ مِمَّا آتَاهُ اللَّهُ لَا يُكَلِّفُ
اللَّهُ نَفْسًا إِلَّا مَّا آتَاهَا سَيِّجَعُلُ اللَّهُ بَعْدَ عُسْرٍ يُسْرًا ﴿٧﴾

Maksudnya: “Hendaklah orang yang mampu, memberi nafkah menurut kemampuannya; dan sesiapa yang disempitkan rezekinya, maka hendaklah ia memberi nafkah dari apa yang diberikan Allah kepadanya (menurut kemampuan); Allah tidak memberati seseorang melainkan (sekadar kemampuan) yang diberikan Allah kepadanya. (Orang-orang yang dalam kesempitan hendaklah ingat bahawa) Allah akan memberikan kesenangan sesudah berlakunya kesusahan.”

Seorang suami yang beriman tidak sesekali akan mengabaikan tanggungjawab mereka kepada isterinya malah memudahkan lagi si isteri dalam menjalankan tugas dan peranan mereka selaku seorang suami. Bahkan, meninggalkan pemberian nafkah kepada isteri dan anak-anak diangkat sebagai satu dosa. Perkara ini dijelaskan dalam sebuah hadis yang diriwayatkan oleh Abu Daud daripada Abdullah bin Amir bahawa Rasulullah H bersabda yang bermaksud:

كَفَى بِالْمَرْءِ إِثْمًا أَنْ يُضَيِّعَ مَنْ يَعْوُلُ

Maksudnya: “Cukuplah seorang lelaki itu dikira berdosa apabila dia mengabaikan tanggungjawab ke atas sesiapa yang berada di bawah penjagaannya.”
(Hadis Riwayat An-Nasaie dan Al-Hakim)

Oleh itu, suami hendaklah menzahirkan kecintaannya dengan menyediakan nafkah yang mencukupi seterusnya melaksanakan tanggungjawab yang telah diamanahkan di sepanjang kehidupan berkeluarga.

MUSLIMIN YANG DIMULIAKAN ALLAH,

Amalan yang dilakukan oleh seorang suami dengan ikhlas akan diterima dan mendapat pahala. Baginda Nabi ﷺ menunjukkan contoh terbaik kepada umat Islam dengan melayani isteri dan membantu mereka dalam pengurusan rumahtangga. Manakala mengabaikan kewajipan memberi nafkah terhadap isteri dan tanggungannya merupakan satu dosa besar yang perlu dihindari.

Menurut syarak, walaupun isteri bekerja dan mempunyai pendapatan lebih besar daripada suaminya, nafkah isteri tersebut tetap wajib diberi oleh suami. Perkara ini menunjukkan bahawa betapa besarnya tugas dan tanggungjawab seorang suami dan bukan hanya menjadikan isteri tempat melepaskan nafsu semata-mata.

Lebih teruk lagi, terdapat juga penganiayaan terhadap isteri oleh suami yang tidak bertanggungjawab. Misalnya menjadikan isteri sebagai penama terhadap pinjaman peribadi yang dilakukan oleh mereka. Akhirnya si isteri yang menderita melangsaikan hutang tersebut secara terpaksa akibat pengabaian tanggungjawab oleh si suami.

Justeru dalam melayari kehidupan berkeluarga, ikutilah pedoman yang ditinggalkan oleh Baginda ﷺ seperti firman Allah ﷻ dalam surah Al-A'raf ayat 158;

فَآمِنُوا بِاللَّهِ وَرَسُولِهِ النَّبِيِّ الْأُمِّيِّ الَّذِي يُؤْمِنُ بِاللَّهِ وَكَلِمَاتِهِ وَاتَّبِعُوهُ لَعَلَّكُمْ تَهْتَدُونَ ﴿١٥٨﴾

Maksudnya: “Oleh itu, berimanlah kamu kepada Allah dan Rasul-Nya. Nabi yang ummi yang beriman kepada Allah dan kalimah-kalimah-Nya (kitab-kitab-Nya) dan ikutilah dia (Rasulullah) supaya kamu beroleh hidayah petunjuk.”

SIDANG JEMAAH YANG DIRAHMATI ALLAH,

Dengan kos sara hidup yang semakin meningkat pada masa kini, suami isteri perlulah saling memahami dalam menguruskan rumahtangga agar kehidupan kekal tenang.

Kesefahaman antara pasangan hidup adalah perlu dalam mengatur perbelanjaan keluarga. Pepatah Melayu ada menyebut ukur baju di badan sendiri amatlah relevan dan sesuai dihayati maksudnya. Jangan sesekali berbelanja dengan boros sehingga menyebabkan masalah kewangan melampaui kemampuan contohnya seperti penggunaan kad kredit, pinjaman 'Along' dan sebagainya.

Oleh itu, suami hendaklah memberi komitmen dan melaksanakan tanggungjawab memberikan nafkah sebaik mungkin dengan memberi keselesaan kepada isteri, tetapi bukan sampai ke tahap pemborosan yang melampau sehingga menyebabkan kemudaratan. Kasihanilah isteri dan keluarga kita, merekalah asbab kebahagiaan bagi seorang suami berdasarkan sebuah hadis Riwayat Muslim daripada Abdullah bin Amir رَضِيَ اللَّهُ عَنْهُ, sabda Nabi صَلَّى اللَّهُ عَلَيْهِ وَسَلَّمَ:

الدُّنْيَا مَتَاعٌ، وَخَيْرُ مَتَاعِ الدُّنْيَا الْمَرْأَةُ الصَّالِحَةُ

Maksudnya: “Dunia merupakan keseronokan sementara dan keseronokan yang paling baik ialah Wanita yang solehah.”

SIDANG PENDENGAR YANG DIMULIAKAN,

Sebagai kesimpulan dari khutbah hari ini, marilah kita bersama-sama menghayati intipati daripada khutbah yang dibacakan tadi:

1. Memberi nafkah merupakan antara tanggungjawab utama seorang suami kepada isteri dan anak-anaknya.
2. Seorang suami yang beriman akan menjaga kebajikan isteri dan anak-anaknya dengan penuh rasa tanggungjawab.



3. Isteri juga wajib mentaati suami selagi mana ia tidak bertentangan dengan syarak.
4. Mengabaikan tanggungjawab memberi nafkah kepada isteri dan anak-anak adalah berdosa dan akan dipersoalkan di hari kiamat nanti.

Firman Allah di dalam ayat 233 surah Al-Baqarah:

وَالْوَالِدَاتُ يُرْضِعْنَ أَوْلَدَهُنَّ حَوْلَيْنِ كَامِلَيْنِ لِمَنْ أَرَادَ أَنْ يُتِمَّ الرَّضَاعَةَ وَعَلَى الْمَوْلُودِ لَهُ رِزْقُهُنَّ وَكِسْوَتُهُنَّ بِالْمَعْرُوفِ... ﴿٢٣٣﴾

Maksudnya: “Dan ibu-ibu hendaklah menyusukan anak-anak mereka selama dua tahun genap iaitu bagi orang yang hendak menyempurnakan penyusuan itu; dan kewajipan bapa pula ialah memberi makan dan pakaian kepada ibu itu menurut cara yang sepatutnya.”

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ قَوْلِي هَذَا، إِنْ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ، وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ إِنَّهُ هُوَ الْغَفُورُ الرَّحِيمُ.



خطبة كدوا بولن جانواري

2023M/ 1444H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعَظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta,



memberi atau menerima rasuah dan segala perbuatan durjana yang merosakkan kepentingan agama, masyarakat dan negara. Jauhkan kami dari tergolong dalam kalangan orang-orang yang mengabaikan tanggungjawab yang telah diamanahkan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾